



Broj: 0101-4315-9/17  
Sarajevo, 25. 09. 2017. godine

Na osnovu člana 72. stav (3) tačka a) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka javne nabavke-Usluge štampanja za potrebe Univerziteta Sarajevu, na preporuku Komisije za javnu nabavku broj: 0101-4315-8/17 od 18. 09. 2017. godine, rektor Univerziteta u Sarajevu je donio

### **ODLUKU o dodjeli ugovora drugorangiranom ponuđaču**

#### **Član 1.**

Poništava se Odluka o izboru najpovoljnijeg ponuđača i dodjeli ugovora broj: 0101-4315-7/17 od 11. 09. 2017. godine, kojom se ugovor o javnoj nabavci usluge štampanja za potrebe Univerziteta u Sarajevu dodijelio ponuđaču COMESGRAFIKA d. o. o. Beogradska 21, 78000 Banja Luka.

#### **Član 2.**

Prihvata se preporuka Komisije za javnu nabavku broj: 0101-4315-8/17 od 18. 09. 2017. godine i ugovor o javnoj nabavci usluge štampanja za potrebe Univerziteta Sarajevu dodjeljuje drugorangiranom ponuđaču Štamparija Fojnica d. d. Prokoški put bb, 71270 Fojnica, čija ukupna cijena ponude iznosi 87.716,00 KM bez PDV-a (slovima: osamdesetsedamhiljadasedamstotinašesnaest KM i 00/100), iz razloga što je u otvorenom postupku, ponuda navedenog ponuđača po rang listi odmah nakon ponude najuspješnijeg ponuđača COMESGRAFIKA d. o. o. Beogradska 21, 78000 Banja Luka.

#### **Član 3.**

Drugorangirani ponuđač Štamparija Fojnica d. d. Prokoški put bb, 71270 Fojnica je dužan u roku od 3 (tri) dana od dana zaprimanja ove Oduke, na adresu Univerziteta u Sarajevu, Obala Kulina bana 7/II, 71000 Sarajevom dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### **Član 4.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba). (Javne nabavke).

#### **Član 5.**

Ova odluka stupa na snagu danom donošenja.

### **Obrazloženje**

Nakon provedenog otvorenog postupka za nabavku Usluga štampanja za potrebe Univerziteta Sarajevu (Obavještenje o nabavci broj: 999-1-2-129-3-24/17 objavljeno na Portalu javnih nabavki dana 04. 07. 2017. godine), Komisija za javnu nabavku je **prije održavanja e-aukcije** izvršila rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na slijedeći način:

Rang	Naziv ponuđača	Početna cijena u KM bez PDV-a
Prvorangirani	Štamparija Fojnica d. d. Prokoški put bb, 71270 Fojnica	87.716,00
Drugorangirani	COMESGRAFIKA d. o. o. Beogradska 21, 78000 Banja Luka	114.322,77

**Nakon uspješno završene e-aukcije,** Komisija za javnu nabavku je izvršila rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na slijedeći način:

Rang	Naziv ponuđača	Konačna cijena u KM bez PDV-a
Prvorangirani	COMESGRAFIKA d. o. o. Beogradska 21, 78000 Banja Luka	78.865,45
Drugorangirani	Štamparija Fojnica d. d. Prokoški put bb, 71270 Fojnica	87.716,00

Na preporuku Komisije za javnu nabavku broj: 0101-4315-6/17 od 08. 09. 2017. godine, donesena je Odluka broj: 0101-4315-7/17 od 11. 09. 2017. godine o izboru najpovoljnijeg ponuđača COMESGRAFIKA d. o. o. Beogradska 21, 78000 Banja Luka, iz razloga što je u otvorenom postupku, nakon uspješno okončane e-aukcije, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Članom 2. navedene Odluke je utvrđeno da je izabrani ponuđač COMESGRAFIKA d. o. o. Beogradska 21, 78000 Banja Luka, dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja navedene Odluke, dostaviti originale ili ovjerene kopije dokaza o kvalificiranosti traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

**Uvidom u dokumentaciju predmetnog postupka javne nabavke, Komisija je utvrdila slijedeće činjenično stanje:**

- Odluka broj: 0101-4315-7/17 o izboru najpovoljnijeg ponuđača COMESGRAFIKA d. o. o. Beogradska 21, 78000 Banja Luka donesena je dana 11. 09. 2017. godine;
- Dana 12. 09. 2017. godine, navedena Odluka je upućena poštom svim ponuđačima koji su blagovremeno dostavili ponude;
- Uvidom u Obavijest o prijemu pošiljke utvrđeno je da su ponuđači primili navedenu Odluku, kako slijedi:

Ponuđač	Datum zaprimanja odluke
Štamparija Fojnica d. d. Prokoški put bb, 71270 Fojnica	13. 09. 2017. godine
GRAFOMARK d. o. o. Ruđera Boškovića 7, 78250 Laktaši	14. 09. 2017. godine
COMESGRAFIKA d. o. o. Beogradska 21, 78000 Banja Luka	14. 09. 2017. godine

-Uvidom u knjigu Djelovodnog protokla Univerziteta u Sarajevu je utvrđeno da je izabrani prvorangirani ponuđač COMESGRAFIKA d. o. o. Beogradska 21, 78000 Banja Luka, dana 18. 09. 2017. godine dostavio kovertu sa dokumentacijom, na kojoj je otisnut prijemni štambilj Univerziteta u Sarajevu broj: 0101-5509/17;

-Uvidom u dostavljenu dokumentaciju utvrđeno je da je izabrani ponuđač COMESGRAFIKA d. o. o. Beogradska 21, 78000 Banja Luka, dostavio slijedeću dokumentaciju koja je tražena tačkama 13.1. i 13.3. Tenderske dokumentacije i to:

Dokazi za Tačku 13.1. Tenderske dokumentacije:

- a) Ovjerenu kopiju Uvjerenja Osnovnog suda u Banja Luci broj: 071-0-Su-I-17-001798 od 15. 06. 2017. godine, kojom se potvrđuje da protiv pravnog lica-ponuđača COMESGRAFIKA d. o. o. Beogradska 21, 78000 Banja Luka nije podignuta optužnica koja je stupila na pravnu snagu i nije izrečena pravosnažna presuda u krivičnom postupku kojom se osuđuje za krivično djelo učešća u kriminalnoj organizaciji, za korupciju, prevaru ili pranje novca;
- b) Ovjerenu kopiju Uvjerenja Okružnog privrednog suda u Banja Luci broj: 057-0-SU-II-17-001639 od 10. 08. 2017. godine da pravno lice-ponuđač COMESGRAFIKA d. o. o. Beogradska 21, 78000 Banja Luka nije pod stečajem, niti je predmet proglašenja stečajnog postupka, nije predmet postupka likvidacije, niti je postupku obustavljanja poslovne djelatnosti;
- c) Ovjerenu kopiju Poreskog uvjerenja broj: 06/1.02/0704-455.2.1-45711/17 od 20. 06. 2017. godine, izdatog od strane Ministarstva finansija Republike Srpske, Poreska uprava, Područni centar Banja Luka, kojom se potvrđuje da je poreski obveznik-ponuđač COMESGRAFIKA d. o. o. Beogradska 21, 78000 Banja Luka prijavio i izmirio sve dospjele poreze i sporedna poreska davanja kojima podliježe prema poreskim zakonima Republike Srpske, kao i ostalih naknada koje su prema drugim propisima dati u nadležnost Poreskoj upravi zaključno sa 20. 06. 2017. godine;
- d) Ovjerenu kopiju Uvjerenja broj: 02/6-I-16-11-24-7421/17 od 11. 08. 2017. godine, izdatog od strane Uprave za indirektno-neizravno oporezivanje, Regionalni centar Banja Luka da nema dospjelih, a neizmirenih obavezama po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda.

Dokaz za Tačku 13.3. Tenderske dokumentacije:

- a) Ovjerenu kopiju Izvještaja o računima pravne osobe, izdatog od strane Centralne banke BiH, Jedinstveni registar transakcijskih računa u Bosni i Hercegovini, kojim se potvrđuje da na dan 24. 07. 2017. godine pravno lice-ponuđač COMESGRAFIKA d. o. o. Banja Luka kod banaka (navedenih u Izvještaju) u Bosni i Hercegovini, uključenih u platni promet, ima aktivne transakcijske bankarske račune.

Na osnovu utvrđenog činjeničnog stanja, Komisija za javnu nabavku je zaključila da je izabrani prvorangirani ponuđač COMESGRAFIKA d. o. o. Beogradska 21, 78000 Banja Luka PROPUSTIO DA DOSTAVI originale ili ovjerene kopije dokumentacije iz člana 45. stav (2) tačka b) i d) Zakona o javnim nabavkama BiH i Tenderske dokumentacije, Tačka 13.1. pod b) i d), kako je traženo Tenderskom dokumentacijom i članom 2. Odluke broj: 0101-4315-7/17 od 11. 09. 2017. godine.

Za navedene tačke b) i d), ponuđač je dostavio slijedeće dokumente:

- b) Ovjerenu kopiju Uvjerenja Okružnog privrednog suda u Banja Luci broj: 057-0-SU-II-17-001639 od 10. 08. 2017. godine da pravno lice-ponuđač COMESGRAFIKA d. o. o. Beogradska 21, Banja Luka nije pod stečajem, niti je predmet proglašenja stečajnog postupka, nije predmet postupka likvidacije, niti je postupku obustavljanja poslovne djelatnosti;
- d) Ovjerenu kopiju Uvjerenja broj: 02/6-I-16-11-24-7421/17 od 11. 08. 2017. godine, izdatog od strane Uprave za indirektno-neizravno oporezivanje, Regionalni centar Banja Luka da nema dospjelih, a neizmirenih obavezama po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda.

Tačkom 13. 1. Tenderske dokumentacije Ugovorni organ je jasno zahtijevao da dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude i da moraju biti originali ili ovjerene kopije, te da izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Članom 2. Odluke broj: 0101-4315-7/17 od 11. 09. 2017. godine je utvrđeno da je izabrani ponuđač dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

S obzirom da je izabrani prvorangirani ponuđač COMESGRAFIKA d. o. o. Beogradska 21, 78000 Banja Luka dostavio dokumenta za tačke b) i d) koji su izdati nakon datuma podnošenja ponude, Komisija za javnu nabavku, na osnovu člana 72. stav (3) tačka a) Zakona o javnim nabavkama Bosne i Hercegovine („Službeni glasnik BiH“ broj: 39/14) dala preporuku rektoru da donese Odluku o dodjeli ugovora drugorangiranom ponuđaču Štamparija Fojnica d. d. Prokoški put bb, 71270 Fojnica, te navedenom drugorangiranom ponuđaču dostavi prijedlog ugovora o javnoj nabavci Usluge štampanja za potrebe Univerziteta u Sarajevu.

Iz gore navedenih razloga, u skladu sa članom 72. stav (3) tačka a) Zakona o javnim nabavkama BiH, prihvaćena je preporuka Komisije za javnu nabavku broj: 0101-4315-8/17 od 18. 09. 2017. godine, te je odlučeno kao u članu 1. i 2. ove Odluke.

Rektor

  
Prof. dr. Rifat Škrijelj

**Dostaviti:**

1. COMESGRAFIKA d. o. o. Beogradska 21, 78000 Banja Luka
2. Štamparija Fojnica d.d, Prokoški put bb, 71270 Fojnica
3. Prorektor za finansije
4. Generalni sekretar
5. Izvršni direktor
6. Služba za računovodstvo i finansije
7. u evidenciju javnih nabavki
8. web stranica
9. a/a

**Prilog:** Zapisnik o prijemu dokumentacije u postupku javne nabavke usluge štampanja